



Broj: 01-16-4-1148-8/15
Sarajevo, 29. 06. 2015. godine

Ministrica za ljudska prava i izbjeglice BiH, na osnovu člana 55. Zakona o upravi („Službeni glasnik BiH,“ broj: 32/02 i 102/09), člana 64. stav (1) tačka b), člana 68. stav (1) i (4) tačka i) i člana 70. stav (1), (3) i (6) Zakona o javnim nabavkama („Službeni glasnik BiH,“ broj: 39/14) i Preporuke Komisije za nabavke, broj: 01-16-4-1148-6/15, od 18.06.2015. godine, donosi sljedeću:

ODLUKU
o izboru najpovoljnijeg ponuđača za nabavku usluga
sanitarno-preventivne zaštite (DDD)

I

Prihvata se Preporuka Komisije za nabavke, broj: 01-16-4-1148-6/15, od 18.06.2015. godine da se ponuđač **Deratizer d.o.o. Sarajevo**, prvi na rang listi prihvatljivih ponuda, izabere za najpovoljnijeg ponuđača za nabavku usluga sanitarno-preventivne zaštite (DDD).

Dodjeljuje se Ugovor o izvođenju poslova sanitarno-preventivne zaštite (DDD) izabranom ponuđaču Deratizer d.o.o. Sarajevo, ponuda broj: 265/15 od 10.06.2015. godine, za ponuđenu cijenu od 7.916,16 KM bez PDV-a.

II

Ugovor o izvođenju poslova sanitarno-preventivne zaštite (DDD) će se dostaviti na potpis izabranom ponuđaču po isteku roka od 15 (petnaest) dana od dana dostavljanja obavještenja o izboru najpovoljnije ponude svim učesnicima postupka nabavke. Ugovor će se zaključiti na period od godinu dana od dana njegovog potpisivanja.

Izabrani ponuđač je dužan dostaviti dokaze o kvalificiranosti u roku od 5 (pet) dana nakon što bude obaviješten od strane ugovornog organa o rezultatima postupka nabavke, a prema tački 3. tenderske dokumentacije.

U slučaju da izabrani ponuđač propusti dostaviti dokaze o kvalificiranosti u navedenom roku ili dostavi neprihvatljive dokaze, Odluka o izboru najpovoljnijeg ponuđača će se poništiti.

III

Za izvršenje ove odluke se ovlašćuje i zadužuje Odsjek za opće i pravne poslove i Odsjek za finansijsko-materijalne poslove Ministarstva za ljudska prava i izbjeglice BiH.

IV

U skladu sa članom 70. stav (6) Zakona o javnim nabavkama, ova odluka će se objaviti na web stranici Ministarstva, www.mhrr.gov.ba i istovremeno uputiti svim ponuđačima koji su učestvovali u postupku javne nabavke.

V

Ova Odluka stupa na snagu danom donošenja i ista će se, u skladu sa članom 71. stav (2) Zakona o javnim nabavkama, uz zapisnik o ocjeni ponuda i obavještenje o rezultatima postupka, dostaviti svim ponuđačima koji su učestvovali u postupku javne nabavke.

Obrazloženje

Postupak javne nabavke usluga sanitarno-preventivne zaštite (DDD) je pokrenut na osnovu Odluke o pokretanju postupka nabavke usluga sanitarno-preventivne zaštite (DDD), broj: 01-16-4-1448/15 od 03.06.2015. godine. Javna nabavka je provedena putem konkurentskog zahtjeva za dostavu ponuda, a procijenjena vrijednost nabavke je iznosila 17.094,02 KM bez PDV-a. Obavijest o nabavci, broj: 679-7-2-6-3-5/15 objavljena je dana 04.06.2015. godine na Portalu javnih nabavki.

Konkurentski zahtjev za dostavu ponuda za nabavku usluga sanitarno-preventivne zaštite (DDD) je prosljeđen sljedećim ponuđačima: Kristal d.o.o Sarajevo, Deratizer d.o.o. Sarajevo, Eko-Tim d.o.o. Sarajevo i Agrariacoop d.o.o. Mostar, dok su tendersku dokumentaciju preuzeli sljedeći ponuđači: Sanacija 3D d.o.o. Sarajevo i Sanitacija d.o.o. Sarajevo.

Komisija za nabavke, imenovana Odlukom o imenovanju, broj: 01-16-4-617/15, od 11.03.2015. godine, dostavila je Zapisnik o pregledu i ocjeni ponuda, broj: 01-16-4-1448-5/15, od 17.06.2015. godine i Preporuku o izboru najpovoljnijeg ponuđača za nabavku usluga sanitarno-preventivne zaštite (DDD), broj: 01-16-4-1148-6/15, od 18.06.2015. godine u postupku javne nabavke usluga sanitarno-preventivne zaštite (DDD).

Na osnovu naprijed navedenog, utvrđeno je da je Komisija za nabavke blagovremeno i pravilno izvršila otvaranje ponuda i ocjenu dospjelih ponuda, o čemu je sačinila zapisnike, uvidom u koje je utvrđeno sljedeće:

- da je ukupan broj pristiglih ponuda 4 (četiri),
- da je blagovremeno zaprimljeno 4 (četiri) ponude,
- da nije bilo neblagovremeno zaprimljenih ponuda,
- da je ponuda Deratizer d.o.o. Sarajevo prva na rang listi prihvatljivih ponuda.

Komisija za nabavke je u postupku razmatranja prihvatljivih ponuda, izvršila ocjenjivanje i rangiranje istih na osnovu kriterija „najniža cijena“, kako slijedi:

- | | |
|--------------------------------|-------------------------|
| 1. Deratizer d.o.o. Sarajevo | 7.916,16 KM bez PDV-a, |
| 2. Sanacija 3D d.o.o. Sarajevo | 7.967,65 KM bez PDV-a, |
| 3. Sanitacija d.o.o. Sarajevo | 12.173,72 KM bez PDV-a, |
| 4. Kristal d.o.o. Sarajevo | 13.542,66 KM bez PDV-a. |

Na osnovu utvrđene rang liste prihvatljivih ponuda, na prvom mjestu se nalazi ponuda ponuđača Deratizer d.o.o. Sarajevo u iznosu od 7.916,16 KM bez PDV-a.

S obzirom da je procijenjena vrijednost nabavke prema tenderskoj dokumentaciji iznosila 17.094,02 KM bez PDV-a, Komisija za nabavke je utvrdila da je potrebno od ponuđača Deratizer d.o.o. Sarajevo tražiti obrazloženje neprirodno niske ponuđene cijene. Imenovani ponuđač je u ostavljenom roku, dana 16.06.2015. godine, dostavio obrazloženje neprirodno niske ponuđene cijene u kojem je naveo da ponuđena cijena nije ispod tržišnih cijena i ona pokriva troškove materijala i rada, da su ponuđene cijene tržišne i da su se s istim prilagodili uslovima stanja ekonomije u BiH. Također je naveo da ponuđeni uslovi i cijena ni u kojem slučaju ne dovode u pitanje kvalitet pružene usluge, efikasnost, brzinu procesa, sigurnost izvršenja i kvalitet usluga, što dokazuju dugogodišnjim radom i povjerenjem koje su stekli na tržištu BiH.

Komisija za nabavke je ocijenila da je ponuđač dostavio osnovano obrazloženje i da je isto prihvatljivo i u skladu sa zahtjevima iz tenderske dokumentacije.

U postupku donošenja ove Odluke, posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti i ponude ponuđača Deratizer d.o.o. Sarajevo, a u skladu sa kriterijima iz tenderske dokumentacije.

U postupku ocjene provedenog postupka, ministrica za ljudska prava i izbjeglice BiH nije našla razloge, nepravilnosti, niti propuste u radu, koji bi eventualno bili osnov za neprihvatanje preporuke Komisije za nabavke.

S tim u vezi, utvrđeno je da je Komisija za nabavke u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač Deratizer d.o.o. Sarajevo je izabran primjenjujući kriterij „najniža cijena“.

U skladu sa naprijed navedenim, i primjenom člana člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Uputa o pravnom lijeku:

Protiv ove Odluke se može izjaviti žalba Ministarstvu za ljudska prava i izbjeglice BiH u roku od 5 (pet) dana od dana prijema ove Odluke.

Dostaviti:

- Ponuđači-svi,
- Odsjek za opće i pravne poslove,
- Odsjek za finansijsko-materijalne poslove,
- a/a.



MINISTRICA
Senjka Borovac
Senjka Borovac